

Bizkaiko Foru Aldundiaren 197/2008 Foru Dekretua, 2008ko Abenduaren 16koa, Inoren Laguntza Behar duten Pertsonak Ebaluatzeako Batzorde Teknikoa.

(2009ko Urtarrilaren 23ko BAO)

Inoren laguntza-beharrak izatea aitortzeko prozedura arautzen duen Bizkaiko Foru Aldundiak apirilaren 24ko 74/2007 Foru Dekretuak, bere xedapen iragankorrean, ezarri zuen Inoren Laguntza-beharrak duten Pertsonak Baloratzeako Batzorde Tekniko bat sortuko dela eskumen eremu honetan zabaltzen diren espedienteak aztertu eta horien inguruko irizpena eta ebazpen proposamena emateko. Berau sortu arte batzorde horren eskumenak Adinekoak Baloratzeako Batzorde Teknikoak gauzatuko zituela ezarri zuen ere.

Bizkaiko Foru Aldundiko Gizarte Ekintza Sailaren Araudi Organikoa onetsi duen Bizkaiko Foru Aldundiaren martxoaren 18ko 38/2008 Foru Dekretuaren bidez, administrazio unitate berriak sortu ziren, hala nola Ebaluazio eta Orientazio Zerbitzua. Hala eskatzen duten pertsonen egoera soziala, osasun egoera eta bere ingurunearena ebaluatzeako eginkizunak betetzea dagokio Zerbitzu horri, pertsona horien mendekotasun gradua eta maila zehazteko, baita pertsona horiek, beraien egoeraren arabera, zerbitzu eta prestazio egokienetara bideratzea eta ezintasuna baloratzea ere.

Horregatik, eta apirilaren 24ko 74/2007 Foru Dekretuan ezarritakoa betetzeko, Bizkaiko Lurralde Historikoan Inoren Laguntza Behar duten Pertsonak Ebaluatzeako Batzorde Teknikoa sortu eta arautu da, arlo honetan erabakiak hartzerakoan laguntza emateko organo gisa. Horren helburua izango da pertsonen autonomiaren galeraren inguruko erabakiak eta neurriak hartzean era askotako irizpideak izatea ekiditea eta zorrotzasun eta fidagarritasunik handiena bermatzea.

Hori dela bide, Bizkaiko Lurralde Historikoko Foru Erakundeen Hautapen, Antolaketa, Araubidea eta Jardunbideari buruzko otsailaren 13ko 3/1987 Foru Arauko 17. artikulua, 39. artikuluko k) idatz-zatiak eta 64. artikuluko 3. paragrafoak emandako ahalmenak erabiliz, Foru Aldundiak 2008ko abenduaren 16ko bilkuran eztabaidatu eta onetsi ondoren, honako hau

XEDATU DUT:

1. Artikulua *Izaera*

Inoren Laguntza Behar duten Pertsonak Ebaluatzeako Batzorde Teknikoa kide anitzeko organo aholku-emalea da, Gizarte Ekintza Saileko foru diputatuari inoren laguntza behar duten pertsonen arloan erabakiak hartzeko informazioa, hausnarketa eta laguntza emango diona.

2. Artikulua *Xedea*

Hauexek dira Inoren Laguntza Behar duten Pertsonak Ebaluatzeako Batzorde Teknikoaren xedek:

a) Pertsonen autonomia mugatzen eta baldintzatzen duten osasun eta gizarte inguruabarrak baloratzea.

b) Inoren laguntza behar duten pertsonak zaintzeko foru zerbitzuen eta prestazioen eskabideak aztertzea eta eztabaidatzea, eta haien inguruko proposamenak egitea.

3. Artikulua *Helburua*

Inoren Laguntza Behar duten Pertsonak Ebaluatzeako Batzorde Teknikoaren helburua da pertsonen autonomiaren galeraren inguruko erabakiak eta neurriak hartzean era askotako irizpideak izatea ekiditea eta zorrotzasun eta fidagarritasun gorenena bermatzea; horretarako, arlo askotako teknikari trebatuak ariko dira gaien inguruko eztabaidetan eta haien buruzko irizpenak prestatzen.

4. Artikulua Eginkizunak

Inoren Laguntza Behar duten Pertsonak Ebaluatzen Batzorde Teknikoak hala eskatzen duten pertsonen egoera soziala, osasun egoera eta bere ingurunearena ebaluatzearekin zerikusia duten eginkizunak beteko ditu, pertsona horien mendekotasun gradua eta maila zehazteko. Pertsona horiek, beraien egoeraren arabera, zerbitzu eta prestazio egokienetara bideratu eta ezintasuna baloratuko du ere. Zehatz-mehatz, honako hauek izango dira bere eginkizunak:

- a) Mendekotasun gradu eta mailari buruzko proposamenak egitea, baita pertsona horrek behar dituen zaintzei buruzkoak ere.
- b) Premiazkotzat jotzen diren egoerei buruzko proposamenak egitea horiek ebazteko eskumena duten zerbitzuei.
- c) Fiskaltzaren eta/edo organo judizialen gaiak aztertzea eta horientzako txostenak egitea, inoren laguntza behar duten pertsonen babesgabetasun edo abandonu egoeraren inguruan, eta epaitegiek eta auzitegiak eskatutako laguntza ematea.
- d) Inoren laguntza behar duten pertsonen autonomiarekin eta bizi-kalitatearekin zerikusia duten alderdi guztiei buruzko aholkularitza eta informazio iraunkorra ematea.
- e) Inoren laguntza behar duten pertsonen gizarte eta osasun inguruabarrak kontuan hartuta, Gizarte Ekintza Saileko foru diputatuak aztertzeke eta proposamena aurkezteko agintzen dizkion gai guztien ardura izango du ere.

5. Artikulua Osaera

Inoren Laguntza Behar duten Pertsonak Ebaluatzen Batzorde Teknikoak kide hauek izango ditu: batzordeburua, bi batzordeburuorde, zazpi batzordekide eta idazkaria.

Bizkaiko Foru Aldundiaren ekainaren 14ko 83/2010 Foru Dekretuaren artikulua bakarraren 1. atalak idatzitako 5. artikulua; haren bidez, Bizkaiko Foru Aldundiaren abenduaren 16ko 197/2008 Foru Dekretua aldatzen da, Menpeko Pertsonak Baloratzen Batzorde Teknikoa sortzen eta arautzen duena, hain zuzen (BAO, ekainaren 21ekoa).

Indarraldia: 2010eko ekainaren 22a

6. Artikulua Batzordeburua

1. Inoren Laguntza Behar duten Pertsonak Ebaluatzen Batzorde Teknikoaren burua Pertsonen Autonomia Sustatzeko zuzendariorde nagusia izango da, mendekotasuna ebaluatzen eskumena duena.

Bizkaiko Foru Aldundiaren ekainaren 14ko 83/2010 Foru Dekretuaren artikulua bakarraren 2. atalak idatzitako 6. artikulua 1. zenbakia; haren bidez, Bizkaiko Foru Aldundiaren abenduaren 16ko 197/2008 Foru Dekretua aldatzen da, Menpeko Pertsonak Baloratzen Batzorde Teknikoa sortzen eta arautzen duena, hain zuzen (BAO, ekainaren 21ekoa).

Indarraldia: 2010eko ekainaren 22a2.

2. Honakoa dagokio batzordeburuari:
 - a) Batzorde Teknikoaren jarduna zuzentzea, eztabaidak moderatzea eta, bidezko arrazoiak direla medio, horiek etetea.
 - b) Ohiko bileretarako eta apartekoetarako deialdiak egitea erabakitzea.
 - c) Bileretarako aztergaiak finkatzea.
 - d) Indarrean dagoen arautegia betetzen dela zaintzea.
 - e) Batzorde Teknikoaren aktak eta erabakien ziurtagiriak ikus-onestea.
 - f) Bere botoarekin berdinketak ebaztea, erabakiak hartzeko.
 - g) Batzordeburuari berezkoak zaizkion gainerako guztiak.

7. Artikulua Batzordeburuordeak

1. Lehenengo batzordeburuordea Ebaluazio eta Orientazio Zerbitzuko burua izango da.
2. Bigarren batzordeburuordea Mendekotasunaren Ebaluaziorako eta Orientaziorako Ataleko burua izango da.
3. Batzordeburuordeek batzordeburuak eskuordetzen dizkien eginkizunak eta beraien karguari berezkoak zaizkion gainerako guztiak beteko dituzte.
4. Batzordeburua izendatu ez denean, kanpoan edo gaixorik dagoenean edo legezko arrazoiren batetik ordeztu behar denean, lehenengo batzordeburuordea ariko da haren karguan. Hau ez bada, bigarren batzordeburuordea ariko da, eta hau ere falta bada, batzordeko kideetatik hierarkian goren dagoena, antzinatasun handiena duena edo zaharrena, hurrenkera honetan.

8. Artikulua Batzordekideak

1. Hauexek izango dira Inoren Laguntza Behar duten Pertsonak Ebaluatzeneko Batzorde Teknikoko kideak:

- a) Ezintasuna Ebaluatzeneko Ataleko burua.
- b) Mendekotasunaren Ebaluaziorako eta Orientaziorako Ataleko Arlo Soziosanitarioko arduradun teknikoa.
- c) Mendekotasunaren Ebaluaziorako eta Orientaziorako Ataleko lau mediku edo psikologo.
- d) Mendekotasunaren Ebaluaziorako eta Orientaziorako Ataleko gizarte langile bat; txandaka, emandako kasuen koordinazioaren arabera.

Bizkaiko Foru Aldundiaren ekainaren 14ko 83/2010 Foru Dekretuaren artikulua bakarraren 3. atalak idatzitako 8. artikulua; haren bidez, Bizkaiko Foru Aldundiaren abenduaren 16ko 197/2008 Foru Dekretua aldatzen da, Menpeko Pertsonak Baloratzeneko Batzorde Teknikoa sortzen eta arautzen duena, hain zuzen (BAO, ekainaren 21ekoa).

Indarraldia: 2010eko ekainaren 22a

9. Artikulua Idazkaria

1. Inoren Laguntza Behar duten Pertsonak Ebaluatzeneko Batzorde Teknikoko idazkari lanak Ebaluazio eta Orientazio Zerbitzuko goi mailako teknikari batek beteko ditu; Zuzenbidean lizentziaduna izan behar da. Honen ordezkoa zerbitzu bereko goi mailako beste teknikari bat izango da, hau ere Zuzenbidean lizentziaduna, eta zuzendari nagusiak izendatuko du.

2. Batzordeko idazkariak honako hauek egin behar ditu, karguari berezkoak zaizkion beste eginkizunez gainera:

- a) Bileretan egon, hitz egiteko eskubideaz baina botoa emateko eskubiderik gabe.
- b) Batzordearen bileretarako deialdiak egin, batzordeburuak aginduta.
- c) Gaiak bideratzeko prestatu, bileretako aktak idatzi eta baimendu.
- d) Kontsulten, irizpenen eta onetsitako erabakien ziurtagiriak eman.

10. Artikulua Antolaketa eta funtzionamendua

a) Inoren Laguntza Behar duten Pertsonak Ebaluatzeneko Batzorde Teknikoa astean behin bilduko da, batzordeburuak deialdian besterik adierazi ezean.

Bizkaiko Foru Aldundiaren ekainaren 14ko 83/2010 Foru Dekretuaren artikulua bakarraren 4. atalak idatzitako 10. artikulua a) letra; haren bidez, Bizkaiko Foru Aldundiaren abenduaren 16ko 197/2008 Foru Dekretua aldatzen da, Menpeko Pertsonak Baloratzeneko Batzorde Teknikoa sortzen eta arautzen duena, hain zuzen (BAO, ekainaren 21ekoa).

Indarraldia: 2010eko ekainaren 22^a

b) Inoren Laguntza Behar duten Pertsonak Ebaluatzeneko Batzorde Teknikoaren bileretarako deialdiak batzordeburuak egingo ditu eta idazkariak jakinaraziko ditu bildu baino hogeita lau ordu lehenago, gutxienez.

c) Ohiko bilerak dira artikulua honetako a) idatz-zatian xedatutakoaren arabera maiztasunaz egiten direnak. Aparteko bilerak dira batzordeburuak, bere ekimenez zein lehenengo batzordeburuordeak, eta, hori ez badago, bigarrenak proposatuta, berariaz deitzen dituenak.

d) Batzordea balio osoz eratzeko, bileretan batzordeburua edo beraren legezko ordezkaria, idazkaria eta batzordekideen erdiak, gutxienez, egon behar dira.

e) Eguneko gai zerrendan aztergaiak sartu ahal izateko epe bat izango da: bilera egiteko ezarritako egunaren aurreko egun baliouduneko 15:00ak arte.

f) Zerrendan ez dagoen gairik ezingo da eztabaidatu, ezta ebatzi ere; hala ere, zerrendan ez dagoen gai bat presaz aztertu eta eztabaidatu behar dela adieraz daiteke, gehiengoak aldeko botoa emanez gero.

g) Batzordeak aho batez egingo ditu proposamenak; bozketa aparteko kasuetan bakarrik erabiliko da, eta horrelakoetan bileran direnen gehiengo soilaz egingo ditu.

h) Eztabaidak, proposamenak eta espedienteen edukia isilpean eduki behar dira, modu etikoan jokatu behar da, eta pertsonen intimitate eta ohorerako eskubidea errespetatu.

i) Kide anitzeko organoak egiten dituen bilera guztien akta egingo da honako eduki honekin: bertaratutakoak, gai-zerrenda, lekua eta denbora, eztabaiden puntu nagusiak eta hartutako erabakien edukia.

j) Batzordeko kide bakoitzak boto partikularra eman dezake, eta bilerako aktan jasoko da.

k) Nolanahi ere, Inoren Laguntza Behar duten Pertsonak Ebaluatzeneko Batzorde Teknikoaren antolaketa eta funtzionamenduak honako hauek bete behar dira: foru dekretu honetan ezarritakoa, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legeko II. tituluko II. kapituluaren kide anitzeko organoek xedatutakoa eta ezarri beharreko gainerako arauak.

11. Artikulua Erabakiak formalizatzea

Inoren Laguntza Behar duten Pertsonak Ebaluatzeko Batzorde Teknikoaren proposamenak, bilera egin eta gero, Gizarte Ekintza Saileko foru diputatuari aurkeztuko zaizkio, aztertu eta dagozkion erabakiak har ditzan, foru aginduen bitartez.

12. Artikulua Adituen eta laguntzaileen parte-hartzea

Inoren Laguntza Behar duten Pertsonak Ebaluatzeko Batzorde Teknikoaren bileretara honakoak deitu ahal izango ditu batzordeburuak: Gizarte Ekintza Sailari, Gizarte Urgazpenerako Foru Erakundeari, Bizkaiko Tutoretza Erakundeari atxikitako edozein teknikari eta mendekotasuna ebaluatzeko arloan erakunde laguntzaileetako edozein arduradun.

XEDAPEN INDARGABETZAILE BAKARRA

Indargabetu egiten dira honako foru dekretu honetan xedatu denaren aurka dauden lerrun bereko edo beheragoko xedapen guztiak.

AZKEN XEDAPENAK

Lehena

Foru dekretu honetan xedatuta ez dauden aspektuetan, Inoren Laguntza Behar duten Pertsonak Ebaluatzeko Batzorde Teknikoan aginduzkoak izango dira bere antolaketa eta funtzionamendu arauak eta, edonola ere, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen II. Tituluko II. kapituluaren xedatutakoa bete beharko du.

Bigarrena

Gizarte Ekintza Saileko foru diputatuari baimena eman zaio foru dekretu honetan xedatutakoa garatzeko eta betetzeko behar diren xedapen guztiak eman ditzan, aginduzkoak diren izapideak beteta.

Hirugarrena

Foru dekretu hau «Bizkaiko Aldizkari Ofizialean» argitaratzen den egunaren biharamunean jarriko da indarrean.



Dokumentu honen helburua da bakarrik informazioa ematea, ez du inolako balio juridikorik.